



23. juli 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Sioqqanik milluaanermut malittarisassat atuuttut suuppat?**
 - a. Immami- aamma sinerissami sioqqanik ujaraaqqanillu piiaanissamut killilersuinerit qanoq ittuuppat?
 - b. Avatangiisinut misissuinernut, akuersissutitut aamma nakkutilliinernut suut piumasaqaataappat?
 - c. Oqartussat kikkut sulianut taakkununga akisussaasuullutillu nakkutilliisuuppat aktiviteter?
- 2. Suliffeqarfinnut qassinut isumaqatigiissutit sioqqanik milluaanissamut ukiuni kingullerni tallimani suliarineqarsimappat?**
 - a. Suliffeqarfinnit taakkununga qassit Kalaallit Nunaanni angerlarsimaffeqarpat?
 - b. Qassit nunanit allanit aggersuuppat?
 - i. Nunanit arlaanniit?
 - c. Naalakkersuisut paasissutissiisinnaanerpap suliffeqarfiit pineqartut ukiumut piffissami tassani katillugu sioqqat ujaraaqqallu qanoq annertutigisut qallorsimaneraat?
- 3. Qanoq annertutigisumik Namminersorlutik Oqartussat isertitaqarsimappat akuersissutinit, akitsuutinit allanillu akiliutinit ukiuni tallimani kingullerni sioqqanik milluaanermiit?**
- 4. Naalakkersuisut oqaluuserisamut soqutiginaatilinnik allanik paasissutissiisinnaanerpap?**

(Inatsisartunut ilaasortaq Jørgen Rosbach, Demokraatit)

Tunngavilersuut

Sioqqanik milluaaneq suliniutaav oq, isertitsissutaasinnaallunilu maani nunatsinni siuariartornissamut suliniutinut iluaqutaasinnaasoq. Soorlu assersuutigalugu talittarfiliornernut allanullu, atortussat nunatsinniittut atorpeqarnerisigut nunanit allaniit tikisitanut sanilliullugit. Tassungalu ilutigalugu sioqqanik milluaaneq suliffissanik pilersitseriaannaalluni aammalu suliffeqarfiit nunatsinni angerlarsimaffillit, ersarissunik sinaakkusiisoqarsimappat, qanoq akuersissutit tunniunneqassasut nakkutigineqassasullu. Taamaattumik pisariaqartuuvoq paasilluassallugu, malittarisassat suut atuunnersut, aammalu oqartussat qanoq qulakkeersinnaanerat, suliniutit isumannaatsumik ingerlanneqarnissaat.

Sioqqanimmi milluaaneq aamma soorunami annertuumik avatangiisinut inuiaqatigiinnullu



kingunerlussinnaammat. Soorlu assersuutigalugu aalisarnermi aammalu imartatta allanngorarneranut.

Taamaattumik isumaqarpunga, pingaartuusoq paasisimalissallugu, isumaqatigiissutit qassit isumaqatigiissutigineqarsimanersut, suliffeqarfiit suminngaaneernersut, aamma suut aningaasatigut iluanaarutit Kalaallit Nunaannut isaanersut sioqqanik milluaanermiit. Paasisimalikkap taamaattup tunngavissaqartinnerulissavaa naliliiniarnermut, maannakkut suleriuseq attanneqarsinnaanersoq aammalu inuiaqatigiit tamat isigalugit iluaqutaanersoq.

Apeqquteqaatima ullut suliffiusut qulit iluanni akineqarnissaat qilanaaraara.